

隆昌縣志卷十九

驛傳

舖遞附

古者以車曰傳以騎曰驛置郵傳命之制相昉舊矣隆雖蕞爾顧屬四路通衢馬傳步遞皆所以爲遠猶辰告而不容或缺者也志驛傳

隆橋驛

棚廠在縣署左東至榮昌縣高峯驛一百四十里西至內江縣仁安驛一百二十里康熙初年奉設站馬一十二匹馬夫六名至四十一年抽調馬六

隆昌縣志

卷十九

驛傳

一

匹安設南路驛站實在馬六匹歲支草料銀一百二十七兩四錢四分遇閏加增馬夫三名歲支工食銀五十兩九錢七分六釐遇閏加增買補倒斃馬二匹歲支價銀一十六兩棚廠槽斵歲支銀八兩五錢二分原設扛夫一十六名康熙五十年抽調四名充入南路雍正十年盡行裁汰以上歲共支銀二百零二兩九錢三分六釐

舖遞

石燕橋舖在縣東二十里

李市鎮舖在縣東三十里

蔣家寺舖在縣東四十里與榮昌縣交界十里

騾子灘舖在縣南十五里

傅家橋舖在縣南三十里

周家寺舖在縣南四十五里與富順縣交界十五里

蔡家舖在縣西十五里

嘉明鎮舖在縣西三十里與瀘州交界三十里

下馬舖在縣北十五里

鋸子舖在縣北三十里

太平舖在縣北四十五里

雙鳳驛舖在縣北六十里與內江縣交界十五里